



## JAVNI POZIV

Događaj "Dijalog: Strategija prema mladima FBiH" #dijalogSPM  
Sarajevo, 25-26.5.2015.

### ŠTA?

Vlada Federacije Bosne i Hercegovine trenutno je u procesu izrade prvog strateškog dokumenta za mlade u Federaciji Bosne i Hercegovine. Proces izrade Strategije prema mladima koordinira Federalno ministarstvo kulture i sporta. Institut za razvoj mladih KULT je rješenjem Vlade FBiH imenovan za pružanje podrške u procesu izrade Strategije prema mladima FBiH. Doprinos Instituta Vladi FBiH u procesu izrade Strategije odnosi se na stručno-konsultativnu podršku.

Federalno ministarstvo kulture i sporta je zajedno sa Institutom 2013.g. uradilo *Analizu stanja i potreba mladih Federacije BiH* na osnovu kojeg je u započeo proces izrade strategije. U cilju razumijevanja položaja mladih i donošenja kvalitetnog dokumenta *Strategije prema mladima* Radna grupa Vlade FBiH će na dvodnevnom događaju „Dijalog: Strategija prema mladima FBiH“ otvoriti dijalog sa interesnim stranama kako bi se čula mišljenja i prijedlozi za ovaj važan dokument za mlade u FBiH.

**Dvodnevni događaj "Dijalog: Strategija prema mladima FBiH" je namijenjen organizacijama mladih, organizacijama civilnog društva koje se bave mladima i vijećima mladih u cilju dijaloga za razvoj federalne strategije prema mladima.**

Događaj će okupiti oko 80 učesnika/ica iz relevantnih organizacija i institucija kako bi ostvarile dijalog o strategiji prema mladima.

Ovaj događaj je jedan oblik javnih konsultacija za Strategiju prema mladima u FBiH koji će pratiti javne rasprave o samom nacrtu dokumenta gdje će interesne strne moći dati svoje sugestije i prijedloge.

## KAKO?

“Dijalog: Strategija prema mladima FBiH” će tokom dva dana otvoriti dijalog između relevantnih institucija i organizacija u 7 različitih tematskih područja:

- Rad, zapošljavanje i preduzetništvo mladih
- Obrazovanje i nauka mladih
- Socijalna briga mladih
- Zdravstvena zaštita mladih
- Sigurnost mladih
- Kultura i sport
- Aktivizam (učesće, volontiranje i mobilnost) mladih

Podaci, preporuke i mišljenja prikupljena tokom događaja sa svih tematskih područja stajat će na raspolaganju relevantnim institucijama i Radnoj grupi Vlade Federacije BiH pri izradi nacrtu strategije prema mladima.

## KO ORGANIZIRA?

Institut za razvoj mladih KULT u saradnji s Federalnim ministarstvom kulture i sporta uz podršku UNFPA i Europske unije.

## KADA I GDJE?

Događaj će se održati 25. i 26. maja 2015. g. u Hotelu Hollywood u Ilidži.

## TROŠKOVI?

Za izabrane predstavnike/ce organizacija troškove smještaja, hrane i puta snosi organizator

## KAKO SE PRIJAVITI?

Na prisustvo događaju mogu se prijaviti nevladine organizacije koje djeluju na području Federacije BiH i koje profesionalno djeluju u najmanje jednom od navedenih tematskih područja.

Prilikom odabira organizacija za učesće na događaju vrjednovat će se i sljedeći kriteriji:

- broj i relevantnost aktivnosti/projekata koje je organizacija provodila posljednje dvije godine u tematskom području za koje se prijavljuje
- broj i relevantnost ostvarenih saradnji na aktivnostima/projektima s institucijama vlasti koje su nadležne za tematsko područje
- broj i relevantnost aktivnosti/projekata koji su u tematskoj oblasti bili namijenjeni isključivo mladim ljudima (dob: 15-30 godina)

Ukoliko se ista organizacija želi prijaviti za učešće na više tematskih područja, potrebno je da prijavu popuni zasebno za svako tematsko područje, s tim što se isti predstavnik/ca na događaju može prijaviti samo u jednoj prijavi.

Dodatne informacije možete dobiti i putem telefona **+387 33 778 770** ili na email **katarina.vuckovic@kultbih.org**. Prijave se primaju do **20. maja 2015. g. do 16.00 sati** isključivo putem online prijave [OVDJE](#)

Izabrane organizacije će biti obavještene 22. maja 2015. g.

**Budi dio dijaloga! Kad se prijaviš i budeš odabran/a javi to i na socijalnim mrežama koristeći #dijalogSPM**